

清詞珍本叢刊

張宏生 編

20

鳳凰出版傳媒集團
鳳凰出版社

清詞珍本叢刊

20

疏簾淡月屋詞草

倚盾鼻詞草

醉眠芳草詩餘

頑叟詞鈔

駕辨廋詞

清聲閣詩餘

餘園詞稿

拜梅書屋詞鈔

方澤山詞稿

大厰詞稿

雙清池館詩餘

適齋詩餘



疎簾淡月屋詞草

葛匡署簽



清詞珍本叢刊

疎簾淡月屋詞草

第一集

共長短句一百首



疎簾淡月屋詞草



肅然

英瑞

鳳岡



喜遷鶯

春晴

深院靜曲闌敲晷影步輒遲獸鑪香裊海南絲珊枕午
醺時梨花月楊花雪祇恐棟花風劣有人軟語踏青
期樓曬縷金衣

留春令

春晚

雕籠憔悴金鸚鵡，怪春暮、花香帶苦。
一庭碎錦，繡苔衣、更日日風和雨。
等閒閒卻秦箏柱，消魂賦、綠波南浦。
湔裙歸後不多時，水楊柳、絲千縷。

春風裊娜

月夜

看玲瓏片玉飛上花梢，香霧裊峭風搖。
隔窗紗背，曳文鴛鉤履，寶簾開也。
楚楚蠻腰羅簾流輝，晶屏瀉彩，何處

星娥鵲橋剛近池塘弄荷粉又聞鄰院響松濤生
怕離鬟覩見滿腔心事深深拜密祝含嬌簪茉莉點櫻
桃只愁一翦眉黛難描浴罷衫輕濕螢的皦夢中書渺
歸雁迢遙可憐秋影取冰絃度曲曲終已是沈水煙消

減字木蘭花

望雪

黃昏鴉陣惱亂同雲寒不分枯影樓臺夢裏唐花一捻
開小鑪活火害酒番番剛病可準備三更好風扶下

許飛瓊

浪淘沙

雪意

凍合玉樓寒素靄漫漫一天水墨古冰箋感粟數聲吹
又暝醞釀多般搓粉故闌珊畫炬灰殘灞橋風景有
無間如此梅花如此夜瘦了吟肩

月中行

雪花

貌姑分付小嬋娟
翦綵到人間
錯疑蛺蝶舞衣翻
春在老梅先
珠英銀蕊玻璃瓣
調粉色異樣勻圓
旋開旋落不勝寒
絮果鏡中緣

調笑令

臘鼓

臘鼓臘鼓一曲太平年
譜鐵鑼兒出春聲
雪後天街月明明
月明月彈指試燈時節

滿庭芳

題畫

不是司花聰明絕頂生
綃怎樣傳神淡描濃抹舊譜要
翻新帶醉紅妝睡起雨三
朵朵佳人幽蘭外丁香如
血點作小櫻唇 停勻煊染處
輞川詩境脫化無痕襯
綠腰蜂子纖草鋪茵春色三分去也憑寸管勸住東君
高懸壁窗明几淨把酒好評論

菩薩蠻

春寒

冰檐凍雨珍珠粒杏樓又殢花消息斗帳醉紅眠酥香
沁枕山曙禽聲料峭寶鏡妝臺曉指澀埽雲蛾羞郎
墮粉多

十六字令

草

青沐雨梳煙一抹平春旗小楊柳短長亭

一絡索

紙鷲

乍暖乍寒天氣蔚藍新霽
拈將弱線賭風情正撲面東
風起了了琴心深細彩鸞仙
矣錦書爭忍不儂傳怕
儂命薄于紙

沁園春

廢園

一片莓苔東風多事吹恨盈庭
看畫錦堂空玉階幽寂
晚妝樓掩金紙凋零
蜨夢驚回鶯歌羞到柳眼
無聊晚
客青傷神處是淒淒切切簷鐸哀鳴
闌干十二誰凭

悄不見箇人含笑迎記玳瑁簾邊艷飄裙影琉璃屏裏
款墮釵聲潦盡蓮塘塵迷藻井翻怕宵來月色明徘徊
久覺颯然秋氣溼透衣棱

巫山一段雲

水仙花

巧砌輕黃態嚴妝俏碧姿阿嬌新着鶴綃衣一笑下瑤
池石骨寒無恙冰心澹自宜綺寮風麗雪晴時綽約

小吳姬

如夢令

春風

直恁東皇輕薄，吹得花開花落。
羌笛一聲聲，自別故人如昨。
無着無着，燕尾亂捎簾幕。

鳳凰臺上憶吹簫

暮春

絢日烘晴，薰風釀溽，遊驄不逐春還。
正桑園十畝，蠶事將闌。
撩亂旗亭絮影，扇香底、料理吟箋。
凝望眼，幾家村

野幾點煙嵐 看看節逢浴佛繡陌錦泥中麥氣油然
悵踏青人返墜珥遺鈿誰把浦南流水平分做別恨纏
綿鶯聲老儘催怨綠飛上眉彎

水調歌頭

聽雨

一曲水仙操遏住洩雲流分明玉女凭檻散髮按涼州
點點疎疎落落又訝鮫人暗泣淚卷碧珠投吾慮澹澹
雷屋小恰如舟想詩朋喧木屐酒家樓瀟湘此夜何

苦警雁且驚鷗沸出銀餅茶韻黯入瑣窗蕉夢席幕幾
重秋便欲乘風去長嘯海西頭

摸魚兒

秋樹

倚西風萬條蒼翠芳姿消瘦多半龍鱗溜雨癡癡透危
立繚垣深院渾不管有蟲語蟬聲上下傳幽怨登樓怯
見與夾徑寒苔平隄衰草暝合野嵐遠追歡事那日
晝長人倦綠陰歌席鋪滿息息醒了槐安夢夢醒又疎

紈扇腰帶綰只贏得英雄陡觸桓溫歎年華似箭今夕
月明中銀濤吼落莫更理箏雁

薄倖

秋花

晚涼穿牖料恐是風儻雨慙煙檻外銜葩坼蕾補綴小
園如舊問年時花相花王過頭富貴今何有任蝶粉輕
彈蛛絲款胃一點春心不漏天付與清華品那必作
瑤臺仙友者回邀顧盼相思兩字多君着意南紅豆醉